



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 888. Usque Ad Annum 1000

Fleury, Claude

August. Vind. [u.a.], 1761

VD18 90117921

§. 29. Leges a Rege Edgardo editæ.

[urn:nbn:de:hbz:466:1-66313](https://nbn-resolving.org/urn:nbn:de:hbz:466:1-66313)

pus, Episcopos omnes, Proceres, Abba-
 tes regni sui convocavit, cunctisque &
 populo præsentibus & hilariter plauden-
 tibus S. Dunstanus coronam Principis ca-
 piti rursus imposuit. Tunc vero annus
 Salutis nongentesimus septuagesimus ter-
 tius agebatur.

Sæculum X.
 A. C. 969.

Roger. p.
 416.

§. XXIX.

Leges a Rege Edgardo editæ.

Plures Leges a Rege Edgardo editas ha-
 bemus, ad Rem Ecclesiasticam per-
 tinentes, quæ ad consummandam memo-
 ratam pœnitentiam promulgatæ viden-
 tur. Complectuntur vero inter alia Ca-
 nones seu Regulas, animarum Pastoribus
 datas, numero sexaginta septem, in qui-
 bus sequentia notatu digna sunt. Par-
 vuli post nativitatem suam intra noctes
 triginta septem baptizentur. Omnia
 Idololatriæ vestigia deleantur, Necro-
 mantia divinationes, carmina magica,
 cultus Divinus hominibus exhibitus.
 Nullus Sacerdos Missam sæpius in uno
 die quam ter ad summum celebret. Nul-
 lus Christianus cujuscunque generis san-
 guinem comedat. Presbyteri, cum po-
 puli eleemosynas in pauperes distri-
 buunt, Psalmos decantent. Sequuntur
 Regulæ de Confessione tam Confessariis
 quam Pœnitentibus traditæ. Tum For-
 mula confessionis generalis, & Canones

tom. 9. Conc.
 p. 186.

n. 15.

n. 16.

n. 37.

n. 53.

n. 56.

p. 687.

Hh 5

pœni-

Sæculum X.
A. C. 969.

n. 6. 20.

pœnitentiales. Si quis hominem sine
iusta causa occiderit, septem annis je-
junet, annis nempe tribus pane & aqua,
tum reliquis quatuor, ut Confessarius
præscripserit. His subjungitur: *Pera-
cta vero illa septennali pœnitentia, scelus
tamen suum semper lugeat omni qua pote-
rit industria, quia hominem latet, an
Deus receperit ejus pœnitentiam.* Si

p. 694.

n. 10. 11.

quis alium occidere voluit & non po-
tuit, tribus annis, & primo, pane & aqua,
jejunet. Profundam pœnitentiam age-
re dicitur aliquis Laicus, si abjectis ar-
mis longe lateque nudis pedibus peregri-
netur, in uno loco bis non pernoctet,
nec crines, nec ungues ferro tangat, nec
balneum calidum, nec molle cubile in-
tret, carnes non comedat, nec bibat,
quod ebrietatis causa esse potest, omnia
loca pia invisat, ad ostium stans in Ec-
clesias ipsas pedem non inferat, & con-
trito corde ferventer oret.

n. 17.

Deinde docetur, qua ratione ægro-
tus præscriptum sibi jejunium redimere
possit. Quisque poterit unius diei je-
junium uno denario redimere. Conji-
cere est, uno denario, secundum valorem
illius temporis, unum pauperem nutriti
potuisse. Item unius diei jejunium re-
dimi potest ducentis & viginti Psalmis,
aut sexaginta genuflexionibus & sexa-
gies recitando *Pater Noster*. Unica et-
iam

iam Missa potest quis absolvere duodecim dierum jejunium. Itaque pœnitentiam commutandi & redimendi initium hic videmus. Porro de pœnitentia Magnatum in his Regulis legitur; virum potentem ope aliorum leniorem reddere suam pœnitentiam posse, si pro ipso tribus diebus tantus virorum numerus jejunaret, quantus ad implendum septem annorum jejunium unius requireretur. De cetero tali pœnitenti complura alia opera difficilia & permultæ eleemosynæ injunguntur.

§. XXX.

Synodus in Anglia.

Anno nongentesimo sexagesimo nono, cum Dunstanus Archiepiscopus auctoritate Summi Pontificis Concilium in Anglia universale celebraret, Rex Edgarius orationem ad Episcopos de Clericorum vitiis habuit in hunc ferme modum: *Ut nihil dicam de tonsura, cujus forma tam exigua est, ut non satis appareat, vestitus levis, gestus sæculares, sermones obsceni satis produnt, quod intus mentem depravatam gerant. Quanta vero eorum est, cum Divina officia celebrant, socordia! vix interesse Vigiliis dignantur, & ad Missam venire diceres, non ut eo tempore cantent, sed ut rideant & jocentur. Dicam libere, quod impro-*
bis

Sæculum X.
A. C. 969.

Reg. Hoved.
p. 426.
tom. 9. Conc.
p. 696.